



JU dom-porodica

Zenica, Crkvice 20 C
Tel.032/227-578
Fax.032/227-575

dompor@bih.net.ba

Na osnovu člana 20a. Zakona o radu („Službene novine Federacije BiH“ br. 26/16. i 89/18.), člana 8. Pravilnika o radu-prečišćeni tekst broj: 01-2033/21 od 17.12.2021. godine i Odluke o potrebi prijema radnika u radni odnos u JU “Dom-porodica” Zenica broj: 01-2304/23 od 14.12.2023. godine, u skladu sa Saglasnosti Gradonačelnika Grada Zenica broj: 02-45-26785/23 od 08.12.2023. godine, direktor JU “Dom-porodica” Zenica raspisuje,

JAVNI OGLAS

za prijem radnika u radni odnos u JU “Dom-porodica” Zenica

I.

JU “Dom-porodica” Zenica raspisuje Javni oglas za prijem radnika u radni odnos na upražnjeno radno mjesto:

1. **“Radnica na održavanju higijene”** na određeno vrijeme, do povratka radnika sa bolovanja, a najduže godinu dana jedan (1) izvršilac;

II.

a) Opći uslovi za obavljanje poslova:

- da je kandidat stariji od 18 godina,
- da je državljanin BiH,
- da posjeduje zdravstvenu sposobnost za obavljanje poslova radnog mjesta za koje se prijavljuje.

b) Posebni uslovi za obavljanje poslova:

1. Radno mjesto: “Radnica na održavanju higijene”

- NK radnik, osmogodišnja škola;
- bez radnog iskustva;

Kratak opis poslova:

- svakodnevno održavanje prostora u okviru vaspitne grupe (usisavanje, brisanje podnih površina);
- čišćenje radnih prostorija, kancelarija, hodnika;
- sprema dječije krevetiće kod djece koja to zbog uzrasta ili drugih fizičkih ograničenja nisu u mogućnosti;
- brine o dječijoj odjeći i obući i uredno ih slaže u ormare kod djece koja to zbog uzrasta ili drugih fizičkih ograničenja nisu u mogućnosti;
- vrši čišćenje i pranje holova i stepeništa na ulazu u Dom;
- pomaže vaspitačima kod oblačenja, toaleta, objedovanja djece, te spremanja djece na dnevni odmor;
- vrši i druge poslove u skladu sa Pravilnikom o organizaciji i sistematizaciji poslova i radnih zadataka.

Osnovna plaća radnog mjesta iznosi: 596,00 KM

III.

Kao dokaz o ispunjavanju općih i posebnih uslova iz oglasa, kandidati su dužni dostaviti:

- potpisanu prijavu sa kraćom biografijom, sa naznakom za koje radno mjesto se prijavljuju,
- izvod iz matične knjige rođenih-rodni list,
- uvjerenje o državljanstvu,
- svjedočanstvo-diploma o traženoj vrsti i stepenu stručne spreme,

Uz prijavu na javni konkurs, kandidati su dužni dostaviti dokumente o ispunjavanju općih i posebnih uslova, original ili ovjerene fotokopije koje nisu starije od 6 mjeseci (osim izvoda iz matične knjige rođenih) računajući do dana objave javnog konkursa.

Dokaz o zdravstvenoj sposobnosti izdatoj od nadležne zdravstvene ustanove dostavlja kandidat koji bude izabran za prijem u radni odnos.

Kandidati, uz prijavu, mogu dostaviti dokaz da pripadaju jednoj od niže navedenih kategorija:

- da je kandidat član porodice bez prihoda
- da je kandidat član porodice poginulog branioca
- da je kandidat RVI ili član porodice RVI
- da je kandidat demobilizirani branilac ili član porodice demobiliziranog branioca, u smislu Zakona o pravima demobilisanih branilaca i članova njihovih porodica ("Službene novine BiH", br. 54/19).

Kandidati koji dostave dokumente kojim dokazuju pripadnost jednoj od navedenih kategorija, imat će prednost u odnosu na istorangiranog kandidata.

IV

Sa kandidatima koji budu ispunjavali formalno-pravne uslove obaviti će se intervju.

Kandidati će o terminu održavanja intervju biti pismeno obaviješteni, slanjem poziva na adresu kandidata, kao i na e-mail adresu ukoliko je ista navedena u prijavi, i to najmanje 5 (pet) dana prije održavanja istog.

V.

Kandidat koji bude izabran i primljen u radni odnos, podliježe obavezi provjere putem probnog rada u trajanju 2 mjeseca. U slučaju da primljeni kandidat ne zadovolji očekivanja poslodavca u toku trajanja probnog rada, prestat će mu radni odnos sa istekom trajanja probnog rada, bez obaveze poštivanja otkaznog roka. U tom slučaju Uprava preduzeća će donijeti odluku o izboru kandidata za prijem u radni odnos sa liste uspješnih kandidata.

VI.

Oglas će biti objavljen u dnevnom listu "Oslobođenje", web stranici JU "Dom-porodica" Zenica, web stranici Gradske uprave Zenica i web stranici JU Službe za zapošljavanje Ze-do kantona. Oglas ostaje otvoren 8 (osam) dana od dana objave u dnevnom listu "Oslobođenje."

Za sva dodatna obavještenja možete se obratiti na telefon broj: 032/ 227-578.

Svi zainteresovani kandidati, prijave sa potrebnom dokumentacijom u zatvorenoj koverti mogu lično dostaviti na protokol ili putem pošte, na sljedeću adresu:

**JU “Dom-porodica” Zenica
Crkvice 20 C
72 000 Zenica
PRIJAVA NA JAVNI OGLAS
za radno mjesto “radnica na održavanju higijene”
“NE OTVARATI”**

Napomene:

- Neblagovremene, neuredne i nepotpune prijave, kao i prijave kandidata koji ne ispunjavaju opšte i posebne uslove neće se uzeti u razmatranje.
- Po okončanju procedure po javnom oglasu, dokumenta priložena prijavi neće se vraćati kandidatima, osim na osnovu pismenog zahtjeva kandidata.